

ՎԱՍՐՖ, XVIII ԴԱՐ

«Թարիխի-Վասրֆի» հեղինակը, Ռեհս-ուլ-Քյուլթար¹ Բաղդադ-ի-Ահմեդ էֆենդին, թուրք պատմագրության մեջ հայտնի է Վասրֆ անունով: Ծննդյան թվականը հայտնի չէ*, մեռել է 1221 թ. (1806): Վասրֆը, իբրև Ռեհս-ուլ-Քյուլթար, հասել է պետական բարձր աստիճանի^{**}, նա շուրս անգամ պատմագիր-տարեգիր է նշանակվել և գրել է Օսմանյան պետության պատմությունը 1168 թ. մինչև 1188 թ. (1755—1788) և 1203 թ. մինչև 1209 թ. (1788—1794) այսինքն 26 տարվա պատմություն: Բերև տարեգիր («Վակաանյուվիս») 19-րդ տեղն է բռնում: Վասրֆի պատմության առաջին մասը (1168—1188) հասնում է մինչև այն թվականը, որից հետո շարունակում է հայտնի թուրք պատմագիր Ջելդեթ-Փաշան՝ իր 12 հաւորից բաղկացած «Թարիխի Ջելդեթով»:

Թուրքական տարեգիրներից Չեշմի-Չաղե-էֆենդիի (մեռել է 1184 թ.), Մուսա-Չաղեի (մեռել է 1186 թ.) և Բեհշեթի էֆենդիի գրի առած պատմությունները (փոքր չափով) փոխանցվել են Վասրֆին: Այդ երեույթը, աչինքն պատմության որոշ նյութերի փոխանցումը, հաճախ է կրկնվում թուրք պատմագրության մեջ:

Վասրֆը, իր «Պատմության» I հատորի առաջաբանում այդ մասին հիշում է և ասում, որ ինքը ստիպված է եղել իր նախորդների գրի առած պատմությունները, բովանդակության և լեզվի տեսակետից վերանայել, ստուգել և լրացնել: Սրանով Վասրֆը կազմել

* Թուրք պատմագիրների և առհասարակ գրականագետների և պետական բարձր պաշտոնյաների ծննդյան թվականը հաճախ նկատի չի առնվում. հիշվում է միայն մահվան թվականը:

** Վարել է մի շարք կարևոր պետական-դիվանագիտական պաշտոններ՝ 1186 թ. (1772) Իսխարեստում թուրք-ոսմանյան խաղաղության կոնֆերենցիայում թուրքական պատգամավորության քարտուղարի պաշտոնը, 1203 թ. (1788) մասնակցել է Մադրիդի Արտակարգ միսիային, 1206 թ. (1791) ողես-Բուրբական խաղաղության պայմանների բանակցությանը, 1220 թ. նշանակվել է Ռեհս-էֆենդի և այլն:

ձ, իր պատմության I հատորը: Առաջարկում հետևում է, որ այդ հատորին իբրև հավելված էնվերթ-էֆենդիի գրի առած դեպքերը նորից ստուգել և շարադրել է և այդ կերպով 1183 թ. սկսած իբրև «Վալիաա-նյուվիս» կազմել իր «Պատմության» II հատորը: Վասըֆիի իբրև տարեգրի, պաշտոնի ընդմիջումները բացատրվում են նրա այլ պետական պաշտոնների նշանակումով: Բուրք պատմագիր-տարեգիրների շարքում Վասըֆը գրավում է կարևոր տեղ: Նրա լեզուն բավականին խրթին է, պատմությունը՝ տարեգրային: Մեր ձեռքի տակ եղած «Վասըֆի պատմությունը» տպագրված է Ստամբուլում 1243 թ. (1827): Վասըֆն էլ ինչպես թուրք պատմագիրների մեծ մասը, մանրամասնորեն զբաղվում է Օսմանյան պետության եվրոպական մասի դեպքերով, գլխավորապես պատերազմական գործողություններով և շատ քիչ ուշադրություն է դարձնում Արևելքին՝ Անադոլուին:

Վասըֆից թարգմանում ենք իմ քանի նյութեր, որոնք որոշ չափով կապված են Անդրկովկասի ժողովուրդների՝ հայերի և վրացիների և կովկասյան այլ ազգությունների պատմության հետ:

«ԱՐԲԵՍԻ ՎԱՍԸՖ» تاريخ واصفى

1171 թվականի (1757) դեպքերից

Ռայաների հագուստի կառնոն

Ստամբուլում տպող հույն, հայ և հրեա ցեղերը (թալֆաները) իրենց հագուստներով անցել էին շարիաթի սահմանը (կարգը խանգարել էին): Այս պատճառով հույն և հայ պատրիարքները և հրեա ցեղի հասարակական պետերը հրավիրվեցին Չավուշ-Բաշի-Աղա-ւի² օղան՝ և նրանց հայտնվեց առաջվա նման հագուստները կարգի բերելու մասին տրված փաղիշահական բարձր հրամանը. միաժամանակ հայտնվեց, որ այդ կարգի խանգարումը ենթակա է խիստ պատժի:

1172 թվականի (1758) դեպքերից

Սվազի և էրզրումի էյալեքների լեզգիների մասին տրված պաշտոնը

Լեզգի ցեղը, չնայած որ իսլամական ժողովրդից էր, սակայն ո՛չ Օսմանյան կառավարությանն էր հպատակություն ցույց տալիս և ո՛չ էլ սահմանակից Իրանին: Մշտապես անհնազանդ դրության